

**"Энергетикалық және коммуналдық секторларды жаңғырту жөніндегі ұлттық жобаны іске асыру шеңберінде жұмыстар мен көрсетілетін қызметтерді сатып алуды жүзеге асыру, жобалар мен өнім берушілерді іріктеу, шарттар жасасу қағидаларын бекіту туралы" Қазақстан Республикасы Өнеркәсіп және құрылыс министрінің 2025 жылғы 19 қыркүйектегі №374 бұйрығына өзгерістер енгізу туралы**

Қазақстан Республикасы Өнеркәсіп және құрылыс министрінің 2026 жылғы 28 қаңтардағы № 26 бұйрығы. Қазақстан Республикасының Әділет министрлігінде 2026 жылғы 29 қаңтарда №37913 тіркелді

**ЗҚАИ-ның ескертпесі!**

**Қолданысқа енгізілу тәртібін 5-тармақтан қараңыз.**

**БҰЙЫРАМЫН:**

1. "Энергетикалық және коммуналдық секторларды жаңғырту жөніндегі ұлттық жобаны іске асыру шеңберінде жұмыстар мен көрсетілетін қызметтерді сатып алуды жүзеге асыру, жобалар мен өнім берушілерді іріктеу, шарттар жасасу қағидаларын бекіту туралы" Қазақстан Республикасы Өнеркәсіп және құрылыс министрінің 2025 жылғы 19 қыркүйектегі № 374 бұйрығына (Нормативтік құқықтық актілері мемлекеттік тіркеу тізілімінде № 36888 болып тіркелген) мынадай өзгерістер енгізілсін:

Көрсетілген бұйрықпен бекітілген Энергетикалық және коммуналдық секторларды жаңғырту жөніндегі ұлттық жобаны іске асыру шеңберінде жұмыстар мен көрсетілетін қызметтерді сатып алуды жүзеге асыру, жобалар мен өнім берушілерді іріктеу, шарттар жасасу Қағидаларында:

47-тармақ мынадай редакцияда жазылсын:

"47. Алдын ала біліктілік іріктеу кезеңінде әлеуетті өнім берушілердің өтінімдері электрондық сатып алу порталында ашылғаннан кейін тек ұқсас жобалар бойынша жұмыс тәжірибесіне бағалау жүргізу, жүктеме көрсеткішін есептеу және еңбек ресурстарының бар екендігін растау, сондай-ақ салықтар бойынша берешектің және еңбекақы бойынша мерзімі өткен берешектің болуы/болмауы, сондай-ақ жобаны іске асыру орны бойынша әлеуетті өнім берушіні тіркеу бойынша бағалық емес өлшемшарттар үшін қажетті бөлігінде ғана біліктілік органы, бақылаушылар және хатшыға қолжетімді болады. Әлеуетті өнім берушілердің өтінімдерін қарауға толық қолжетімділік конкурс қорытындыларына қол қойылғаннан кейін беріледі.";

53-тармақтың 1) тармақшасы мынадай редакцияда жазылсын:

"1) келесі негіздер бойынша біліктілік талаптарына сәйкес емес деп айқындалды:

Қазақстан Республикасының рұқсаттар мен хабарламалар туралы заңнамасына сәйкес алынған (жіберілген) рұқсаттардың (хабарламалардың) болмауы, олардың

мәліметтері мемлекеттік органдардың ақпараттық жүйелерінде расталады. Мемлекеттік органдардың ақпараттық жүйелерінде мәліметтер жоқ болса, әлеуетті өнім беруші Қазақстан Республикасының рұқсаттар мен хабарламалар туралы заңнамасына сәйкес алынған (жіберілген) тиісті рұқсаттың (хабарламаның) нотариалды куәландырылған көшірмесін ұсынады;

әлеуетті өнім берушінің сатып алынатын тауарларды өндіруге, қайта өңдеуге, жеткізуге және сатуға, жұмыстарды орындауға, қызметтерді көрсетуге құқығын растайтын патенттердің, куәліктердің, сертификаттардың және басқа да құжаттардың электронды көшірмелерін не электрондық құжат түрінде ұсынбау;

мемлекеттік кірістер органдарының мәліметтері негізінде сатып алудың электрондық платформасы автоматты түрде айқындайтын, қаржылық тұрақтылық талаптарына сәйкес келмеуі, сондай-ақ республикалық бюджет туралы заңға сәйкес тиісті қаржылық жылға белгіленген алты айлық есептік көрсеткіштен асатын салықтық берешектің болуы;

қызметкерлерге еңбекақыны төлеу бойынша мерзімі өткен берешектің болуы;

конкурстық құжаттамасына сәйкес біліктілік туралы толық емес немесе мүлде берілмеген мәліметтер;

сатып алынатын жұмыстар мен көрсетілетін қызметтер нарығындағы жеткілікті жұмыс тәжірибесінің болмауы, бұл конкурстық құжаттамасында көрсетілген.

әлеуетті өнім берушінің келісімшарт міндеттемелерін орындауға жеткілікті еңбек ресурстарын ие болу бөлігінде (қолдану кезінде) біліктілік талаптарына сәйкес келмеуі;

біліктілік талаптары бойынша жалған ақпарат беру фактісі анықталған. Мұндай фактіні мемлекеттік аудит және қаржылық бақылау органдары, оның ішінде тапсырыс беруші ұсынған мәліметтер мен құжаттар негізінде сатып алуды жүзеге асырудың кез келген сатысында белгілейді;

банкроттық не таратылу рәсіміне жатады;"

59-тармақ мынадай редакцияда жазылсын:

"59. Алдын ала біліктілік іріктеуін өткізу мерзімі – өтінімдер қабылдау аяқталған күннен бастап 10 жұмыс күніне дейін.";

68 және 69-тармақтар мынадай редакцияда жазылсын:

"68. Әлеуетті өнім берушінің қаржылық тұрақтылығы мемлекеттік кірістер органдарының төленген салықтар туралы мәліметтері негізінде сатып алудың электрондық платформасымен автоматты түрде айқындалады.

69. Егер Мемлекеттік кірістер органдарының ақпараттық жүйелерінің деректеріне сәйкес өткен жылдың алдындағы үш жыл ішінде ол төлеген салықтардың сомасы сатып алу сомасының (лоттың) кемінде бір жарым пайызын (1,5%) құраса, әлеуетті өнім беруші қаржылық тұрақты деп танылады.";

72-тармақ мынадай редакцияда жазылсын:

"72. Жүктеменің рұқсат етілген көрсеткішін (бұдан әрі - ЖРК) есептеу мына формула бойынша жүзеге асырылады

ЖРК

$$= \frac{\Sigma \text{ қабылданған қолданыстағы міндеттемелер} - \Sigma \text{ қолданыстағы шарттар бойынша орындалған міндеттемелер}}{\text{Әлеуетті өнім берушінің 3 жылдағы ең көп жылдық табысы}}$$

мұндағы:

S қабылданған қолданыстағы міндеттемелер - сатып алу нысанасына жататын сатып алу шарттары мен хаттамалары (құрылыс-монтаж жұмыстары немесе техникалық қадағалау) бойынша әлеуетті өнім берушінің қыбалданған міндеттемелерінің жиынтық сомасы:

- 1) жасалған және есеп айырысу күніне қолданыста болған міндеттемелер;
- 2) жасалған және болашақ кезеңдерде орындалуға жататын міндеттемелер;
- 3) алдыңғы кезеңдерден өткен міндеттемелер;
- 4) шарттар әлі жасалмаған, сатып алу хаттамалары бойынша міндеттемелер.

S қолданыстағы шарттар бойынша орындалған міндеттемелер -орындалуы белгіленген тәртіппен ресімделген құжаттармен (орындалған жұмыстардың, көрсетілген қызметтердің актілері және т.б.) расталған сатып алу нысанасына ( құрылыс-монтаждау жұмыстары немесе техникалық қадағалау) қатысты міндеттемелер сомасы.

Әлеуетті өнім берушінің 3 жыл ішіндегі ең көп жылдық табысы– әлеуетті өнім беруші ұсынған растайтын құжаттар негізінде біліктілік органы айқындайтын, аяқталған үш қаржылық жылдағы негізгі қызметтен түскен табыстың ең жоғарғы жылдық мәні.

Мемлекеттік ақпараттық жүйелермен деректермен автоматтандырылған алмасуды енгізгенге дейін, жүктеудің рұқсат етілген көрсеткішін есептеу әлеуетті өнім беруші конкурсқа өтінім құрамында ұсынған растайтын құжаттар негізінде жүзеге асырылады.

”;

77-тармақ мынадай редакцияда жазылсын:

"77. Жұмыс тәжірибесін растау үшін мынадай құжаттар ұсынылады: тапсырыс берушімен жасалған шарттар (ҚМЖ-на немесе сатып алу нысанасына байланысты техникалық қадағалауға), объектілерді пайдалануға беру актілері, ведомстводан тыс кешенді сараптаманың оң қорытындылары. Құрылыс және реконструкциялау жобалары бойынша объектілерді пайдалануға беру актілері Қазақстан Республикасының заңнамасына сәйкес мемлекеттік сәулет-құрылыс бақылау органдарында қабылданғаны (тіркелгені) туралы белгісі бар "Азаматтарға арналған үкімет" КЕАҚ-да тіркелгені туралы мөртаңбамен ұсынылады.

Жұмыс тәжірибесі мемлекеттік сатып алу саласындағы тізілімдерді қалыптастыру және жүргізу қағидаларына сәйкес жұмыс тәжірибесі тізіліміне енгізілетін

құжаттардың электрондық көшірмелерімен расталады, аталған қағидалар Қазақстан Республикасы Қаржы министрінің 2024 жылғы 26 қыркүйектегі № 646 бұйрығымен бекітілген (нормативтік құқықтық актілері мемлекеттік тіркеу тізілімінде № 35143 болып тіркелген).

Заңды тұлғаларды қайта ұйымдастыру (қосылу, бірігу) жағдайында қайта ұйымдастырылатын заңды тұлғалардың бірінің ең көп жұмыс тәжірибесі ескеріледі.

Осы Қағидалардың мақсаттары үшін қайта ұйымдастырылған заңды тұлғаның жұмыс тәжірибесі мынадай жағдайлардың бірі болған кезде бағалық емес өлшемшарттарды есептеу кезінде ескерілмейді:

1) егер әлеуетті өнім берушінің мәлімделген жұмыс тәжірибесі басқа заңды тұлғадан бөлу немесе шығу жолымен қайта ұйымдастыру нәтижесінде алынған болса;

2) егер әлеуетті өнім берушінің мәлімделген жұмыс тәжірибесі қайта ұйымдастырудың бірнеше дәйекті түрлері (бөлу, бөлу, біріктіру, қосылу, қайта құру) нәтижесінде алынған болса;

3) егер әлеуетті өнім берушінің мәлімделген жұмыс тәжірибесі қайта ұйымдастырылатын заңды тұлғалардың бірінде осы Қағидалардың 53-тармағында көзделген шектеулер болатын заңды тұлғаларды қайта ұйымдастыру (бірігу, қосылу, қайта құру) нәтижесінде алынған болса;

4) егер әлеуетті өнім берушінің мәлімделген жұмыс тәжірибесі қайта ұйымдастырылатын заңды тұлғалардың бірі сатып алу нысанасына сәйкес келетін қызмет түрлерін жүзеге асыруға лицензиясынан (рұқсатынан) айырылған заңды тұлғаларды қайта ұйымдастыру (бірігу, қосылу, қайта құру) нәтижесінде алынған болса .";

79-тармақ мынадай редакцияда жазылсын:

"79. Консорциумның барлық қатысушылары осы Қағидалардың 69-тармағында көрсетілген талаптарды қоспағанда, осы Қағидалардың 9 және 12-тарауларында көзделген біліктілік талаптарына сәйкес келуі қажет, оған сәйкес консорциумның негізгі қатысушысы талапқа сәйкес келуі тиіс.";

95-тармақ мынадай редакцияда жазылсын:

"95. Әлеуетті өнім берушінің жұмыстарды орындау, қызметтерді көрсету орны бойынша облыстардың, республикалық маңызы бар қалалардың және астананың шегінде тиісті әкімшілік-аумақтық бірлікте болуы бойынша бағалық емес өлшемшарт Біліктілік органы алдыңғы жылдың 1 қазанынан кешіктірмей ұсынылған үш жылдық кезеңнің соңғы есептелетін жылы үшін бастапқы/кезекті салық есептілігін тапсыру орны бойынша әлеуетті өнім беруші ұсынған растайтын құжаттардың негізінде айқындайды. Осы өлшемшарттарға сәйкестігі үшін әлеуетті өнім берушіге 2 балл беріледі.";

111-тармақ мынадай редакцияда жазылсын:

"111. Қазақстан Республикасының резиденті емес тұлғамен сатып алу туралы шарт жасалған жағдайларда шартқа қағаз жеткізгіште қол қойылады.

Бұл ретте, шарттың электрондық көшірмесі сатып алу туралы шарт жасалған күннен бастап 5 (бес) жұмыс күнінен аспайтын мерзімде сатып алудың электрондық платформасына жүктелуге тиіс.

Қазақстан Республикасының резиденті емес тұлғамен сатып алу туралы шарт жасалған жағдайда, Қазақстан Республикасы заңнамасының талаптарын ескере отырып, ол ұсынған нысанда сатып алу туралы шартты ресімдеуге жол беріледі.";

130-тармақ мынадай редакцияда жазылсын:

"130. Егер сатып алу туралы шартта аванс (алдын ала төлем) төлеу көзделсе, конкурс жеңімпазы шарттың орындалуын қамтамасыз етумен бірге сатып алу туралы шарт жасалған күннен бастап 10 (он) жұмыс күнінен кешіктірілмейтін мерзімде аванс (алдын ала төлем) сомасын қайтаруды қамтамасыз етуді ұсынуға міндетті.

Авансты (алдын ала төлемді) қайтаруды қамтамасыз ету мынадай тәсілдердің бірімен ұсынылады: банк кепілдігі; авансты қайтаруды қамтамасыз етуді көрсете отырып, азаматтық жауапкершілікті сақтандыру; шарт бойынша міндеттемелерді орындауды сақтандыру (сақтандыру кепілдігі); депозиттік салым немесе Тапсырыс берушінің пайдасына екінші деңгейдегі банктердің шоттарындағы ақшалай қаражатты бұғаттау; Қазақстан Республикасының заңнамасында жол берілетін өзге де қаржы құралдары.

Шарт бойынша міндеттемелердің орындалуын сақтандыру (сақтандыру кепілдігі) осы Қағидаларға 7-қосымшаға сәйкес нысан бойынша шарт жасасу арқылы ресімделеді.

Қамтамасыз етудің түрін таңдауды Тапсырыс беруші конкурс жеңімпазының қаржылық жағдайын және шарттың ерекшелігін ескере отырып айқындайды.

Шарт бойынша аванстық төлемнің шекті мөлшері жасалған шарт сомасының отыз пайызынан аспауға тиіс.";

134-тармақ мынадай редакцияда жазылсын:

"134. Қосымша қамтамасыз ету мынадай нысандардың біріне енгізіледі:

1) ақшалай қамтамасыз ету - "Сапа кепілдігі" критерийі бойынша алынған әрбір балл үшін шарт құнының 0,5% мөлшерінде;

2) бүкіл кепілдік кезеңге жарамды сақтандыру полисі түрінде ресімделген мәлімделген кепілдік мерзімнің әрбір жылы үшін шарт құнының 0,5% мөлшеріндегі сомаға кепілдік міндеттемелердің орындалуын сақтандыру.".

2. Қазақстан Республикасының Өнеркәсіп және құрылыс министрлігінің Құрылыс және тұрғын үй-коммуналдық шаруашылық істері комитеті заңнамасында белгіленген тәртіппен:

1) осы бұйрықты Қазақстан Республикасы Әділет министрлігінде мемлекеттік тіркеуді;

2) осы бұйрықты Қазақстан Республикасының Өнеркәсіп және құрылыс министрлігінің интернет-ресурсында орналастыруды қамтамасыз етсін.

3. Осы бұйрықтың орындалуын бақылау жетекшілік ететін Қазақстан Республикасының Өнеркәсіп және құрылыс вице-министріне жүктелсін.

4. Осы бұйрық, оның алғашқы ресми жарияланған күннен кейін күнтезбелік он күн өткен соң қолданысқа енгізіледі.

5. 2026 жылғы 1 шілдеден бастап:

осы бұйрықтың 1-тармағының төртінші абзацы мынадай редакцияда қолданылады деп белгіленсін:

"47. Алдын ала біліктілік іріктеу кезеңінде әлеуетті өнім берушілердің өтінімдері электрондық сатып алу порталында ашылғаннан кейін тек ұқсас жобалар бойынша жұмыс тәжірибесіне бағалау жүргізу, жүктеме көрсеткішін есептеу және еңбек ресурстарының бар екендігін растау үшін қажетті бөлігінде ғана біліктілік органы, бақылаушылар және хатшыға қолжетімді болады. Әлеуетті өнім берушілердің өтінімдерін қарауға толық қолжетімділік конкурс қорытындыларына қол қойылғаннан кейін беріледі.

Бұл ретте, салықтар бойынша берешектің және еңбекақы бойынша мерзімі өткен берешектің болуы/болмауы туралы мәліметтер, сондай-ақ әлеуетті өнім берушінің жобаны іске асыру орны бойынша әлеуетті өнім берушіні тіркеу жөніндегі бағалық емес өлшемшартқа сәйкестігі әлеуетті өнім берушінің тіркеу деректері мен мемлекеттік ақпараттық жүйелерден алынған мәліметтер негізінде сатып алудың электрондық порталы арқылы автоматты түрде жүргізіледі.";

осы бұйрықтың 1-тармағының тоғызыншы абзацы мынадай редакцияда қолданылады деп белгіленсін:

"республикалық бюджет туралы заңға сәйкес тиісті қаржылық жылға белгіленген алты айлық есептік көрсеткіштен асатын салықтық берешектің болуы, сондай-ақ мемлекеттік кірістер органдарының мәліметтері негізінде сатып алудың электрондық платформасымен автоматты түрде айқындалатын, қаржылық тұрақтылық талаптарына сәйкес келмеуі";

осы бұйрықтың 1-тармағының он тоғызыншы және жиырмамыншы абзацтары мынадай редакцияда қолданылады деп белгіленсін:

"68. Әлеуетті өнім берушінің қаржылық тұрақтылығы Мемлекеттік кірістер органдарының мынадай мәліметтері негізінде сатып алудың электрондық платформасымен автоматты түрде айқындалады:

- 1) кірістер;
- 2) төленген салықтар;
- 3) негізгі құралдар;
- 4) еңбекақы төлеу қоры.

69. Әлеуетті өнім беруші, егер ол жиынтығында мынадай шарттарға сәйкес келсе, қаржылық тұрақты деп танылады:

1) әлеуетті өнім берушінің кірістері Мемлекеттік кірістер органдарының ақпараттық жүйелерінің деректеріне сәйкес өткен жылдың алдындағы үш жылдағы сатып алуды жүзеге асыру үшін бөлінген соманың кемінде екіден бір бөлігін құрайды;

2) мемлекеттік кірістер органдарының ақпараттық жүйелерінің деректеріне сәйкес өткен жылдың алдындағы үш жыл үшін төленген салықтардың көрсеткіші әлеуетті өнім берушінің кірістерінің кемінде үш пайызын құрайды.

Салық төленген күнтізбелік жыл салықтың төленген күні болып саналады.

Осы Қағидалардың мақсаттары үшін төленген салықтар көрсеткішінің есебі Мемлекеттік кірістер органдарының ақпараттық жүйелерінің деректеріне сәйкес мынадай формула бойынша айқындалады:

$$ТСК = TC / КС \times 100 \%,$$

мұндағы:

ТСК – төленген салықтардың көрсеткіші;

ТС – есептелетін үш жылдық кезең ішіндегі төленген салықтардың сомасы;

КС – әлеуетті өнім берушінің есептелетін үш жылдық кезеңдегі кірісінің сомасы;

3) Мемлекеттік кірістер органдарының ақпараттық жүйелерінің деректеріне сәйкес өткен жылдың алдындағы үш жылдағы әлеуетті өнім берушінің негізгі құралдарының құны сатып алды жүзеге асыру үшін бөлінген соманың кемінде он бестен бір бөлігін, бірақ тиісті қаржы жылына белгіленген айлық есептік көрсеткіштің 400 000 еселенген мөлшерінен аспайтын соманы құрайды;

4) Мемлекеттік кірістер органдарының ақпараттық жүйелерінің деректеріне сәйкес өткен жылдың алдындағы үш жыл үшін әлеуетті өнім берушінің қызметкерлеріне еңбекақы төлеу қоры сатып алуды жүзеге асыру үшін бөлінген соманың кемінде он бестен бір бөлігін құрайды.";

осы бұйрықтың 1-тармағының отыз бірінші абзацы мынадай редакцияда қолданылады:

"Әлеуетті өнім берушінің 3 жылдағы ең көп жылдық табысы – Қазақстан Республикасы мемлекеттік кіріс органдарының деректері негізінде айқындалатын, аяқталған үш қаржы жылдағы негізгі қызметтен түскен табыстың ең жоғарғы жылдық мәні.";

осы бұйрықтың 1-тармағының қырық үшінші абзацы мынадай редакцияда қолданылады:

"79. Консорциумның барлық қатысушылары осы Қағидалардың 69-тармағының 1) тармақшасында көзгелгендерді қоспағанда, осы Қағидалардың 9, 11 және 12-параграфтарында көзделген біліктілік талаптарына сәйкес келуі қажет, ол бойынша консорциумның барлық қатысушылары бойынша жиынтық есеп жүргізіледі.";

осы бұйрықтың 1-тармағының қырық бесінші абзацы мынадай редакцияда қолданылады:

"95. Әлеуетті өнім берушінің жұмыстарды орындау, қызметтерді көрсету орны бойынша облыстардың, республикалық маңызы бар қалалардың және астананың шегінде тиісті әкімшілік-аумақтық бірлікте болуы бойынша бағалық емес өлшем конкурса қатысуға өтінім беру сәтінде сатып алудың электрондық платформасымен автоматты түрде айқындалады, 1 қазаннан кешіктірмей ұсынылған үш жылдық кезеңнің соңғы есептелетін жылы үшін бастапқы/кезекті салық есептілігін тапсыру орны бойынша мемлекеттік кірістер органдарының мәліметтері негізінде әлеуетті өнім берушінің қаржылық тұрақтылығын айқындау мақсаттары үшін осы мәліметтерді қолданудың алдыңғы жылынан тұрады. Осы критерийге сәйкестігі үшін әлеуетті өнім берушіге 2 балл беріледі."

*Қазақстан Республикасының  
Өнеркәсіп және құрылыс министрі*

*Е. Нағаспаев*

"КЕЛІСІЛДІ"

Қазақстан Республикасының  
Ұлттық экономика министрлігі

"КЕЛІСІЛДІ"

Қазақстан Республикасының  
Энергетика министрлігі

"КЕЛІСІЛДІ"

Қазақстан Республикасының  
Қаржы министрлігі

"КЕЛІСІЛДІ"

Қазақстан Республикасының  
Еңбек және халықты әлеуметтік  
қорғау министрлігі